



Indgået

24 FEB. 2017

Inatsisartunut ilaasortaq,
Bendt B. Kristiansen

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37-mut nr. 81-imut apeqqummut akissuteqaat

Inatsisartut suleriaasianni § 37, imm. 1 naapertorlugu Naalakkersuisunut apeqquteqaateqarputit. Apeqquteqaatit uanga susasaqarfinnut innersuunneqarpoq akineqartussanngorlugu.

Aallaqqaammut oqaatigisariaqarpoq, sinerissap qanittuani qaleralinniarneq pillugu Namminersorlutik Oqartussat nalunaarutaat nr. 11, 28. august 2014-imeersumi § 10, imm. 1 aamma 2 naapertorlugit inuussutissarsiutigalugu qassusersorluni qaleralinniarneq inerteqqutaamat, kisianni aalisarfinni killilersukkani kommunet ileqqoreqqusaatigut immikkut akuersissuteqarsinnaaneq periarfissaalluni. Taamaattumik Qaasuitsup Kommuniyani aamma Kommuneqarfik Sermersuumi qassusersorluni qaleralinniarsinnaanermut ileqqoreqqusanik peqarpoq.

1. Qaleralinnik qassusersorluni ningartat 110mm atorneqarnerat sumik tunngaveqarpa?

1-imut tunngatillugu:

Piujartitsineq siunertaralugu aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaanni nr. 12, 17. november 2011-meersumi nigartaqqortussutsit aalajangersarneqartut pillugit najoqqutarineqartoq tassaavoq nigartap tamakkerluni iluatungimigut nerutussusiata uuttuutaa, qaleralinnut qassutit minnerpaaffissaat 220mm-iulluni, nigartap affaanut 110mm-imut apeqqummi taaneqartumut naapertuuppoq. Akissutip sinnerani pisortatigoortumik uuttuutit aallaavigineqassapput, tassa nigartap tamakkerluni iluatungimigut nerutussusiata uuttuutaa atorlugu.

Nigartaqqortussuseq aalajangersagaavoq aalisakkanik pisuussutit atorluarneqarnerat, ilisimasat tigussaasut tunngavigalugit, inuiaqatigiinnut annertunerpaamik iluaqutaanisat siunertaralugu.

2. Qaleralinnik qassusersorluni ningartaqqortussuseq 110mm-mik annikinnersunik atuisinnaaneq Naalakkersuisut qanoq isumaqarfigaat?

2-mut tunngatillugu:

Ilisimatuussutsikkut kiisalu aalisartuniit suliffissuaqarfinniillu siunnersuisarnerit ilisimasat nutaat aallaavigalugit nigartaqqortussuseq naliliiffigeqqittariaqarsorineqarpat, Naalakkersuisut naliliiffigiumaarpat.

23-02-2017
Suliap normua 2017 - 3495
Allakkat nr. 4560884

Postboks 269
3900 Nuuk
Oqarasuaal (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqqutip siulluip akissutaa naapertorlugu Naalackersuisut isumaqarput, aalisarnej imatut killilersomeqartariaqartoq kalaallit nunaanni aalisakkanik pisuussutit inuiaqatigiinut kalaallinut tamanut maannakkut siunissamilu kinguaariinnut annertunerpaamik iluaqutaasariaqartut.

3. Qaleralinniarnermi qassusersorluni ningartaqqortussuseq 110mm-mik annikinnerusunik atuisinnaaneq pillugu Naalackersuisut tusarniaasarsimappat? Taamaassimappat aalisarnermut soqutigisaqatigiit tassunga qanoq isumaqarpat?

3-mut tunngatillugu:

2016-ip ukiup affaani siullermi SQAPK`p Aalisarnermut Piniarnermullu Naalackersuisoqarfimmut qinnuteqaatigaa nigartaqqortussuseq 180mm-imut millisineqassasoq. Tassunga atatillugu Naalackersuisoqarfiup ilaatigut KNAPK-miit Sulisitsisuniillu tusarniaanermut akissutinik tigusaqarpoq. Sulisitsisut, Royal Greenland A/S aamma Polar Seafood A/S tusarniaanermi nigartaqqortussutsip millineqannginnissaanik siunnersuuteqarput. Piujuartitsineq siunertarlugu aalisarnerup teknikikkut iluarsartuussivigineqarnera pillugu Namminersorlutik Oqartussat nalunaarutaat nr. 12, 17. november 2011-meersoq tusarniaassutigineqarneranut atatillugu KNAPK inassuteqarpoq nigartaqqortussuseq 190mm-imut millisineqassasoq.

Ilanngullugu oqaatigineqarsinnaavoq apriliip allartinnerani Ilulissani qaleralinniarneq pillugu isumasioqatigiissitsinermik ingerlatsisoqassammat aalisartunit suliffissuaqarfinnit uumassulerituunillu peqataaffigineqartussamik, eqqartugassat aamma ilagissavaat nigartaqqortussuseq.

4. Nunat sanilerisagut imartakkullu assersuussinnaasagut (Island aamma Norge) qaleralinniarnermi ningartaqqortussutsit sorliit qassusersorlutik atorpaat?

4-mut tunngatillugu:

KANUAANA`p paasisai malillugit nigartaqqortussutsit minnerpaaffissaat nunani sanilerisatsinni soorlu Savalimmiuni, Island-imi aamma Canada-mi Kalaallit Nunaanni nigartaqqortussutsimit minnerupput. Norge-mi nigartaqqortussutsimut minnerpaaffiliisoqarsimangilaq taamaallaalli qaleralit minnerpaaffilerlugit 45cm-imut.

Nunani sanilerisatsinni qaleralinniarneq Kalaallit Nunaanni qaleralinniarnermut assersuunneqarsinnaanngilaq, nigartaqqortussutsip minnerusup iluaqutaasinnaanerata assersuunneqarsinnaanera aamma qularnarluni. Ilanngullugu oqaatigineqarsinnaavoq nunat sanilerisatta ilaatigut minnikut pisarineqartut annertussusaat eqqarsaatigalugu isertitanik arsaarinninnissamut malittarisassaqarmata.

5. 2016-imi qaleralinniarni qassusersorluni nangartaqqortussutsit annikippallaat atorneqarneri peqqutigalugit arsaarinninnerit qanoq amerlatigippat?

5-imut tunngatillugu:

2016-imi nakkutilliinermut atatillugu ilaatigut Qeqertarsuup Tunuani arlaleriarluni naammattoorneqarpoq qassusersorluni qaleralinniarnermi qassutinik nigartakippallaanik

atuisoqartartoq, aamma arlallit iitstersuunneqarput ataasiakkaallu politiinut suliassanngortinneqarlutik.

Qassutiniq 140mm-imik nigartaqqortussusilinnik qassusersorluni saarullinniameq qaleralinniarfiusuni aamma ingerlanneqarsinnaammat, aatsaat immikkorluinnaq pisoqartilugu imalu ersaritsigisunik uppersaatissaqartillugu aalisartoq qaleralinniarluni qassutiniq saarullinniutiniq atuinera ersarilluinnarpat, aalisariutiniq arsaarinnittoqarsinnaavoq. Aalisartup siusinnerusukkut iitstersuutit inassutillu malinngippagit politiinut unnerluussisoqartarpoq.

6. Ningartaqqortussuseq 110mm atorneqartillugu qalerallit qanoq angitigisut pisarineqakkajuttarpat?

7. Ningartaqqortussutsit 90-95mm atorneqarsimatillugit qalerallit qanoq angitigisut pisarineqartarpat?

6-imut 7-imullu tunngatillugu:

Apeqquutit akinissaannut KANUAANA Pinngortitaleriffimmut paasiniaavoq.

Pinngortitaleriffiup misissuilluni aalisarnerit inernerit naapertorlugit qassutit 220mm-imik nigartaqqortussusillit atorlugit qalerallit amerlanersaat 65cm-iniit 75cm angullugit angissusillit pisarineqartarput agguaqatigiissillugulu 3 kg miss. oqimaassuseqartarlutik. Qassutit 180mm-imik nigartaqqortussusillit atorneqarpata qalerallit amerlanersaat 55cm-iniit 65cm angullugit angissusillit pisarineqartarput agguaqatigiissillugulu 2 kg miss. oqimaassuseqartarlutik. Qassutiniq 190mm-imik nigartaqqortussusilinnik misissuilluni aalisarneq ingerlanneqarsimanngilaq.

Taamaattoq Pinngortitaleriffiup misissuisarnerata takutippaa nigartaqqortussuseq minnerusoq atoraanni angutivissat amerlanerusut pisarineqakkajunnerusartut, qaqutiginarlu 70cm qaangerlugu angissuseqalersarlutik taamaattumik angissusissartik atereersimasarlugu, 220mm-inillu nigartaqqortussusilinnik atuinermi arnavissat amerlanerusarlutik. Misissuineq Pinngortitaleriffiup nangeqqissamaarpaa.

Inussiarnersumik inuulluaqqusillunga



Hans Enoksen